

**Marking Scheme (2021-22)**  
**Subject : Mizo (098)**  
**Class : X (Term II)**

**Section A (Reading Comprehension)**

1. a) Mahni duh dan dan a, duh duha duhdah taka khawsa thinte hian Mizo nun hi a lettingin an hmang thin a, mawng sawh dawtin an tawlh thlu thin a ni.
- b) Hnam dang tih dan kan entawn dawn hian Zo zia leh Mizo khawtlang nunphung pangngai nen a inrem em tih te, kan pi leh pute atanga kan lo chin dan aia tha a ni em tih te, chhungkua leh khawtlang inlungualna a thlen em tih leh kan thatpui dawn em tih te kan ngaihtuah hmasak a ngai.
- c) Nu leh pa emaw, nupui pasal emaw, ngaihzawng emaw, dan lam mite pawh thlim ngai lova dik taka nun hman hi nun hlimawm leh him neih theihna kawng a ni.
- d) Zonun mawi kan humhalh theihna tur chuan hnam dang tih dan ringawt entawn lo va, kan hnam chin dan tha leh mawite nghet taka kan vawn tlat a pawimawh.
- e) Intihtunlaia hian hnam dang chin dan tha lo leh zalenna dik lo tlenga entawn min chintir a, kan hnam chin dan tha bansanin hnam dang chin dan tha lo zawk min zawhtir thin a ni.

**Section B (Composition)**

2. Unseen
3. Unseen
4. Unseen
5. Hnam dang tawng thenkhat, kan tawng ang maia kan hman chhante chu:
  - Mizo tawnga a tlukpui tawngkam kan neih ve loh vang
  - Kan tawnga awm ve tho, hnam dang tawnga kan hman lar zawk vang.
  - Kan duh hrim hrim vanga kan hman.Entirna:  
Kan pastor chu thusawi a thiam khawp mai.  
I pen lei thar chu hman a nuam em?  
Dawrah alu va lei lawk teh.

**Section C (Literature)**

6. a) He hla chang hi ‘Lungrukah min vei ve la’ tih hla, Zikpuii Pa phuah, Class X Mizo zirlaibu, Tlawng atanga lak chhuah a ni a, Chang ngana a ni.

He hla phuahtu hi a ngaihzawngin pasal a neihsan dawn a, hlim taka an inkawp thin laite a ngaihtuahin mak a tiin a lungleng em em mai a, an nun hluite chu a theihngihlh thei dawnin a hre lo va, a lunglen turzia a tarlanna hla a ni.

He chang tarlanah hian hla phuahtu hian a hrehawmna tur chu rei dawn viau mah se a ngaihzawng chu hlim taka kal turin duhsakna a hlan a, hlim taka an lo lawm dun thin thla eng chu amah chauhvin a lo tahpui tur thu a tarlang.

b) He hla chang hi ‘An va hlu em thil nung tinreng’ tih hla, Chali phuah, Class X Mizo zirlaibu Tlawng atanga lak chhuah a ni a, chang hnihilna a ni.

He hla phuahtu hian thil nungte hi an awm hmun theuh atanga Pathian faktu nia a hriat avangin a ngaihlut thu a talang a. He khawvel hi lungngaih leh tahna ram nia hriain vanram thlen hlan a nghahhlelthu he hlaah hian a tarlang bawk.

He chang tarlanah hian hla phuahtu hian khawvel hrehawm tak atang hian Chhandamtu chu a au zel dawn a ni tih a sawi a, chatuana ral thei tawh lo tur vanram thlen a chak tawh thu a tarlang a ni.

7. Zaman hmawng hi thing chi khat, a zamna thing nghet taka phuar bet tlat thin a ni a, a ngaihzawng a duhna khan a phuar ngheh em avangin Vankhama hian zaman hmawngin thing nghan taka a phuar nen intehkhinin, ‘Zaman hmawng thing ang min phuar vel e,’ a ti hial a ni.

#### Emaw

Taivela hla atanga kan hmuh danin Lal Isua a ropuina nena rorel tura a lo kal leh hun chuan lei leh van hian a dawl zo dawn lo niin a sawi a. Chtih hunah chuan ring duh lote chuan hlau leh khur chungin an lo hmachhawn ang a, ringtute erawh chuan lawm takin an lo hmuak dawn niin a sawi.

8. a) Kan zirlaiin tanpui ngai ber min kawhhmuu chu beiseina kawl lotute an ni. Anmahniah nunna leh takna a awm lo va, pangpar, mahni zung hmanga a kung leh a hnah hawmna tur tui hip lut lo va, tuia leih nun ngai reng ang mai niin a sawi. Tanpui an ngai reng a, awmzia erawh a nei tak tak thei lo.

b) Nu tha takin hmangaih tak leh khauh tak, lungawi tak si a fate an kaihhruaina tluka zirtirna tha leh duhawm hi George Herbert-a chuan awmin a ring lo va, chutiang taka nu thanin a zirtina chu zirtirtza zetin an zirtirna tluka hlu niin a hria a ni.

c) Chan tawka lungawi tih thuin a sawi danin ramsate hi chuan an pian tirh atangin an dinhmun tur an tawng sa vek a, an taksa a thang lian naa, finna lamah erawh chuan hmun tina an khawsak dan pawh a inang vek a ni.

Mihringte erawh chu kan pian tih phat atangin zirtir ngai vek kan ni a, zirtir ngai lo va kan tih theih chu tlem te chauh a ni. Mihieng chu a finna hmanga thang lian zel tur leh hmasawn zel theia siam a nih hi ramsate aia a danglamna chu a ni.

d) Mihringin hunbi chhiarna leh tehna kan siam anga hun a lo inthlak kual thin hian beiseina leh tumruhna tha leh huaisenna nei chunga kan hmabaka thil tih tur kan neihte kan tih zel hi a tha ber a, chutianga beiseina rilru put tlat theih chu tkasa hiselna leh nun hlimna, hlawhtlinna leh hunt ha nei renga inchhal theihna a ni.

.....

